

# O VERÁN QUE NECESITAS



**ACCIÓN DE VERÁN 2020**

**CAMPAMENTOS | CAMPOS DE VOLUNTARIADO**

**XUNTA DE GALICIA**

**EDITA:**

Xunta de Galicia

Consellería de Política Social  
Dirección Xeral de Xuventude, Participación e Voluntariado

**DESEÑO E MAQUETACIÓN:**

Pablo Gulín Díaz | Empapelarte

## CONTIDO

<b>INTRODUCCIÓN</b>	<b>5</b>
<b>CAMPAMENTOS</b>	<b>7</b>
Que inclúe o campamento?	7
Incorporacións ao campamento	8
Quen pode solicitar a praza	8
Como presentar solicitude	10
Adxudicación de praza	12
Documentación complementaria	13
Adxudicación de prazas ás listas de espera	14
Obrigas das persoas beneficiadas	14
Prezos	15
Devolución de cotas	15
Máis información	15
<b>CAMPAMENTOS EN GALICIA</b>	<b>17</b>
<b>PRAZAS RESERVADAS PARA INCLUSIÓN</b>	<b>18</b>
A Coruña	19
Lugo	23
Ourense	28
Pontevedra	31
<b>PRAZAS RESERVADAS PARA INCLUSIÓN</b>	<b>35</b>

# O VERÁN QUE NECESITAS

## DOS 9 AOS 17 ANOS



## VÉN DE BALDE AO CAMPAMENTO

Que tes pensado facer para estas vacacións? Queres asistir aos nosos campamentos de verán? E que che saia de balde? Só tes que presentar a túa solicitude de participación no sorteo das prazas por vía electrónica, **na sede electrónica da Xunta de Galicia, no enderezo:**

<https://sede.xunta.gal>

Entre os/as que vos animedes, e sempre que resultedes adxudicatarios/as dunha praza nalgún dos campamentos, sortearemos **10 PRAZAS DE BALDE.**

## SORTE!!

# INTRODUCCIÓN

A Xunta de Galicia ofrece a posibilidade de que a xuventude galega empregue o seu tempo libre estival participando en actividades de educación non formal moi diversas: de carácter cultural, ambiental, deportivo, de tempo libre, de voluntariado, etc. Por iso, **cada ano presentamos a Campaña de verán**, unha iniciativa ambiciosa que **non só é unha actividade de ocio** para os mozos e mozas galegos, senón que tamén é un **recurso de conciliación da vida familiar e laboral**.

As circunstancias actuais derivadas da crise sanitaria da Covid 19 e logo de superar a etapa de confinamento, fan máis necesario que nunca poder ofertar un recurso de conciliación para as familias galegas e de educación non formal para o tempo de lecer dos nosos mozos e mozas que lles permita beneficiarse, coas **máximas garantías de prevención e hixiene**, dun espazo de ocio educativo.

**Baixo o lema O verán que necesitas**, a Campaña de verán de 2020 da Xunta de Galicia oferta, durante os meses de **xullo, agosto e setembro**, as seguintes accións:

- Campamentos en Galicia.
- Campos de voluntariado en Galicia.
- “Minicampamentos” de 5 días en instalacións turísticas, en colaboración coa Consellería de Cultura e Turismo

**A información que se inclúe neste folleto fai referencia ás quendas dos campamentos que se realizarán en Galicia**, regulados na *Orde pola que se regula a oferta de prazas xuvenís dentro do programa Campaña de verán 2020 e se procede á súa convocatoria*. A información está dispoñible na páxina web:

<http://xuventude.xunta.es>

## MEDIDAS DE PREVENCIÓN E ADAPTACIÓN DAS ACTIVIDADES Á COVID-19

A de 2020 será unha edición atípica da Campaña de Verán da Xunta de Galicia, derivada da situación de crise sanitaria provocada pola covid-19. Neste sentido, realizarase baixo as medidas de prevención e seguridade ditadas polas autoridades sanitarias e, sempre, baixo tres premisas:



**Redución do aforo** nas instalacións para garantir a distancia interpersonal entre participantes e equipo técnico.




**Reforzo do persoal monitor**, que estará previamente formado e traballará con grupos de ata 15 nenos/as participantes.



**Incremento das medidas hixiénico-sanitarias** de carácter persoal e na propia instalación, conforme ao protocolo visado polas autoridades sanitarias.

Así mesmo, as actividades adaptaranse ás medidas de prevención establecidas, garantindo a distancia interpersoal dos nenos/as participantes e, cando isto non sexa posible, empregarase máscara.

**As familias ou titores legais do neno/a participante que obteña praza nalgún campamento recibirán unha información detallada sobre as medidas específicas que se poñerán en marcha.** Así mesmo, deberán cubrir unha declaración responsable sobre condicións de saúde e participación que estará dispoñible na páxina web [xuventude.xunta.es](http://xuventude.xunta.es).



## APOSTA POLA INCLUSIÓN

Así mesmo, e co obxectivo de que a inclusión social sexa unha realidade ao tempo que se favorece a interacción e a convivencia entre toda a mocidade, as mozas e mozos galegos con discapacidade, en función das limitacións que presenten, poderán decidir sobre a modalidade de participación á que desexan optar: polo **procedemento xeral** ou polo **procedemento das prazas reservadas de inclusión**.

Cómpre lembrar que tamén existe a posibilidade de optar pola **convocatoria de campamentos específicos para persoas con discapacidade** da Dirección Xeral de Maiores e Persoas con Discapacidade, cuxa información se pode consultar en:

<https://politicassocial.xunta.gal/gl/recursos/plans-e-programas/campamentos-de-veran-especificos-para-persoas-con-discapacidade-2020>

# CAMPAMENTOS

A Xunta de Galicia pon a disposición dos mozos e mozas galegos **máis dunha trintena de instalacións xuvenís en Galicia** durante a época estival para levar a cabo as diferentes actividades de ocio e tempo libre.

## QUE INCLÚE O CAMPAMENTO?

A participación na Campaña de verán 2020 realizarase mediante inscrición individual ou múltiple (para os supostos de dous, tres ou catro irmáns ou irmás). As persoas participantes disporán dos seguintes servizos:

- Un programa de actividades de carácter sociocultural, recreativo, formativo e convivencial, que posibilite a participación das mozas e mozos.
- O aloxamento nun albergue, nunha residencia ou nun campamento.
- A manutención en réxime de pensión completa.
- O material necesario para a actividade.
- Un equipo técnico de persoal especializado en animación sociocultural e actividades de tempo libre e actividades náuticas, de ser o caso. Así mesmo, e para o caso das persoas con necesidades especiais por razón da súa discapacidade, disporase de persoal de apoio que conte con formación e experiencia para atender as súas necesidades.
- Atención sanitaria de primeiros auxilios e seguro de accidentes.



### Equipamento persoal necesario

As persoas mozas que participen nestas actividades deberán levar útiles de aseo persoal, roupa axeitada (usada e cómoda), roupa de abrigo e chuvia, luvas, roupa deportiva, calzado forte e cómodo, sombreiro ou gorra, roupa de baño (traxe de baño, toalla, gorro de piscina, protector solar), calzado deportivo e aquel outro equipamento que se indique nas cartas informativas de cada campamento.

As cartas informativas de cada campamento estarán dispoñibles na páxina web de xuventude <http://xuventude.xunta.es>.

## INCORPORACIÓNS AO CAMPAMENTO

A incorporación aos campamentos e albergues de Galicia será **por conta da persoa interesada, nos termos que se indiquen pola Dirección Xeral de Xuventude, Participación e Voluntariado** e de conformidade coas medidas de prevención indicadas polas autoridades sanitarias sobre a covid-19. En todo caso, esta incorporación farase de xeito graduado para evitar aglomeracións puntuais.

## QUEN PODE SOLICITAR PRAZA

Poden solicitar praza nas actividades ofertadas as persoas mozas residentes en Galicia.

Para ser admitido no campamento será necesario non padecer enfermidade transmisible con risco de contaxio nin sintomatoloxía compatible ca covid-19. Para os campamentos que inclúan na súa programación actividades de auga, é requisito saber nadar, sen prexuízo do sinalado para as persoas con discapacidade.


Ningunha persoa participante poderá ser admitido/a en máis dun campamento por ano. A praza adxudicada será intransferible.

### IDADES

Poden solicitar a participación nas actividades ofertadas as persoas nadas no ano sinalado para cada actividade no anexo I da orde reguladora.

En canto ás idades mínima e máxima para participar na Campaña de verán 2020, cómpre destacar:

- As persoas nadas no ano **2002 non poderán cumprir 18 anos antes da finalización do campamento.**
- As persoas nadas no ano **2011 deberán ter cumpridos 9 anos no momento do inicio do campamento.**





## PERSOAS CON DISCAPACIDADE

As persoas que teñan unha discapacidade **igual ou superior ao 33%** poderán participar nesta convocatoria cumprindo os seguintes requisitos:

- Facer constar a súa condición no formulario de solicitude, co fin de planificar os apoios persoais necesarios, se os precisa.
- Que no certificado de recoñecemento de discapacidade non se recolla a necesidade de axuda dunha terceira persoa.
- Ter capacidade de integración nun grupo e que as súas limitacións e/ou necesidades especiais lles permitan participar e beneficiarse das actividades que se van desenvolver no destino que soliciten. A programación de actividades e as características das instalacións de cada campamento poderanse consultar na web de xuventude (<http://xuventude.xunta.es>).
- En función do tipo de discapacidade, poderá exceptuarse, de ser o caso, o requisito de saber nadar. Neste suposto, o/a menor con discapacidade non poderá participar nas actividades de auga.

As persoas con discapacidade que cumpran os requisitos sinalados deben optar, de conformidade co sinalado no apartado **“Como presentar a solicitude”**, por unha destas dúas vías: polo procedemento xeral ou polo procedemento das prazas reservadas para inclusión. Quedarán excluídas no suposto de que presenten a solicitude por ambos os procedementos.

## MENORES EN SITUACIÓN DE TUTELA OU GARDA ADMINISTRATIVA

As persoas menores en situación de tutela ou garda pola Administración e que se atopen en acollemento residencial poderán participar nesta convocatoria. Deberán indicar esta condición no anexo de solicitude, marcando o cadro correspondente



# COMO PRESENTAR A SOLICITUDE

## TIPOS DE SOLICITUDE

A solicitude pode ser individual ou múltiple.



### INDIVIDUAL

#### Procedemento xeral:

As persoas que presenten unha solicitude individual de prazas deben utilizar o formulario que se incorpora como **anexo II** da orde de convocatoria, correspondente ao procedemento xeral (procedemento BS303A).

#### Procedemento de prazas reservadas para inclusión de persoas con discapacidade:

As persoas con discapacidade que opten polo procedemento das prazas reservadas para inclusión, relacionadas no **anexo I B** da orde, deben utilizar o formulario que se incorpora como **anexo IV** (procedemento BS303G).



### MÚLTIPLE

A solicitude múltiple admitirase para o suposto de dous/dúas, tres e ata catro irmáns/ás. As persoas menores que convivan no domicilio en situación de acollemento familiar, tamén se poderán incluír na solicitude múltiple, equiparándose a súa situación a dos/as irmáns/as.

Esta solicitude múltiple só se poderá empregar no caso de persoas que pidan idéntica instalación, quenda e actividade (mesmo código). Todas as persoas interesadas que figuren nunha mesma instancia deben cumprir os requisitos de idade esixidos para as instalacións e quendas solicitadas.

Cando se trate dunha persoa sen discapacidade que teña irmáns/ás con discapacidade e queiran presentar unha solicitude conxunta, só o poderán facer polo procedemento xeral, para as actividades do anexo I A da orde, e en ningún caso unha persoa sen discapacidade poderá ocupar unha praza das reservadas para inclusión.

O incumprimento por unha das persoas participantes suporá a exclusión de todas as que figuren nesa mesma solicitude.

#### Procedemento xeral:

As persoas que presenten unha solicitude múltiple deben empregar o formulario que se incorpora como **anexo III** da orde de convocatoria, correspondente ao procedemento xeral (procedemento BS303F).

#### Procedemento de prazas reservadas para inclusión de persoas con discapacidade:

As persoas con discapacidade que opten polo procedemento das prazas reservadas para inclusión, relacionadas no **anexo I B** da orde, deben utilizar o formulario que se incorpora como anexo V (procedemento BS303H).

## COMO CUBRIR A SOLICITUDE

- Cada mozo/a só pode cubrir unha solicitude e elixirá, por orde de prioridade, un máximo de cinco quendas ou actividades. Cada quenda ou actividade vai identificada cun código no **anexo I** (as líneas A, B) da orde reguladora.
- Os datos da persoa solicitante deben ser os do mozo/a que opta a participar nas actividades. No caso das solicitudes múltiples, deberanse cubrir os datos de todos os irmáns ou irmás que solicitan a súa participación (ata un máximo de catro).
- As solicitudes deberanas asinar os proxenitores ou titores dos/as menores solicitantes.
- As persoas solicitantes deben residir na Comunidade Autónoma de Galicia e, polo tanto, o enderezo que se inclúa na solicitude deberá ser, necesariamente, nalgún concello de Galicia.
- A **duplicidade** dunha solicitude dará lugar á non admisión de ambas, polo que a persoa solicitante quedará fóra do sorteo.
- A persoa interesada deberá comprobar, na páxina web <http://xuventude.xunta.es/>, a correcta mecanización da súa solicitude, co fin de emendar os erros detectados. Nesa páxina aparecerá un enlace para consultar os datos da solicitude e o **número de expediente** asignado á persoa menor solicitante. Para ter acceso a estes deberase incluír o número do DNI da persoa proxenitora ou titora que cubriu a instancia, así como a data de caducidade dese DNI. Se as persoas interesadas detectan algún erro nos datos mecanizados, ou non atopan a solicitude, deben chamar a calquera dos números de teléfono que aparecen no **anexo VII**. A comunicación dos erros deberá efectuarse, como data límite, ata tres días hábiles antes do sinalado para a realización do sorteo. Unha vez transcorrido este prazo non procederá reclamación ningunha.
- A presentación da solicitude implica a aceptación das normas do procedemento.

## PRESENTACIÓN DA SOLICITUDE

As solicitudes deberán presentarse preferiblemente por vía electrónica a través do formulario normalizado dispoñible na sede electrónica da Xunta de Galicia, <https://sede.xunta.gal>. Para esta presentación poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario/a e clave Chave365 (<https://sede.xunta.gal/tramites-e-servizos/chave365>).

Opcionalmente, poderanse presentar as solicitudes presencialmente en calquera dos lugares e rexistros establecidos na normativa reguladora do procedemento administrativo común, utilizando o formulario normalizado dispoñible na sede electrónica da Xunta de Galicia.

No caso de enviarse por correo, o envío deberá ser certificado, co selo de Correos na primeira folla do formulario para garantir que a data de remisión é anterior á do peche da convocatoria.

### Prazo de presentación:

O prazo de presentación das solicitudes será de **sete (7) días hábiles**, que se comezará a contar a partir do día seguinte ao da publicación da orde reguladora no *Diario Oficial de Galicia*.

## ADXUDICACIÓN DE PRAZA

A adxudicación pode ser:

- **Directa**, no caso de que a demanda non supere o número de prazas dispoñibles.
- **Por sorteo**, por medios informáticos, no suposto de que o número de solicitudes supere o número de prazas dispoñibles. Efectuaranse dous sorteos independentes segundo o procedemento polo que se solicite (o xeral ou o de prazas reservadas para inclusión). Neste caso, o sorteo realizarase, ante notario/a. O día concreto de realización do sorteo anunciarase na páxina web de Xuventude, <http://xuventude.xunta.es>.

Mediante este sorteo, cubriranse as prazas nas distintas actividades que especifica o **anexo I** da orde reguladora.


### LISTA DE ESPERA

O sorteo dará lugar a unha listaxe de espera lista de agarda para cada unha das actividades. Inclúese cada participante unicamente nunha lista de agarda para un campamento concreto, de entre as cinco opcións que solicitou. O número de reservas en cada actividade será do 50% das prazas convocadas. Xerarse a listaxe de agarda tanto no sorteo de prazas do procedemento xeral como no específico de prazas reservadas para inclusión.

O resultado do sorteo, coas listaxes das persoas admitidas e as listaxes de agarda, publicarase na páxina web <http://xuventude.xunta.es> a partir do día seguinte ao do sorteo.

Nesta publicación e en virtude da normativa de protección de datos persoais, as persoas admitidas virán identificadas exclusivamente polo número de expediente asignado pola aplicación informática de xestión do procedemento. Procederese do mesmo xeito respecto das persoas incluídas nas listas de espera.

O número de expediente asignado á persoa menor solicitante poderase consultar na páxina web <http://xuventude.xunta.es/> na ligazón dispoñible para consultar os datos da solicitude.



## DOCUMENTACIÓN COMPLEMENTARIA

As persoas admitidas deberán dirixir á xefatura territorial da Consellería de Política Social da provincia onde se vai desenvolver a actividade a seguinte documentación:



- A xustificación do pagamento.
- Fotocopia do DNI/NIE da persoa solicitante. Se o/a menor non dispuxese de DNI deberá achegarse a copia da folia correspondente do libro de familia.
- Fotocopia da tarxeta sanitaria ou seguro médico privado.
- Cuestionario de saúde e autonomía persoal (anexo VI da orde de convocatoria). No caso de persoas con discapacidade deberá incluírse a información actualizada que permita valorar os apoios que precisa, de ser o caso.
- Declaración responsable de que sabe nadar (nos campamentos que inclúan na súa programación actividades de auga).
- **Declaración responsable de condicións de saúde, aceptación de condicións de participación, obrigación de información e consentimento informado derivado da situación actual de crise sanitaria provocada pola covid-19**, conforme ao modelo que se publicará na páxina web [xuventude.xunta.es](http://xuventude.xunta.es).

### NO CASO DE PERSOAS CON DISCAPACIDADE, ADEMAIS

- O certificado acreditativo do grao de discapacidade e a copia do ditame técnico facultativo emitido polo equipo de valoración e orientación correspondente, cando se opoñan expresamente, no formulario de solicitude, á comprobación destes datos de discapacidade ou os ditos documentos non fosen expedidos na nosa comunidade autónoma.

O prazo para presentar a documentación é de cinco (5) días hábiles e se comezará a contar desde o día seguinte ao da realización do sorteo.

## ADXUDICACIÓN DE PRAZAS ÁS LISTAS DE AGARDA

As vacantes que se produzan por non presentar a documentación, por presentala fóra do prazo establecido ou por renunciar á praza obtida no sorteo, seranlles ofrecidas ás persoas solicitantes que figuran nas listaxes de espera correspondentes na fase de reservas dos respectivos procedementos (xeral ou de prazas reservadas para inclusión). No caso de que se produzan baixas, a Dirección Xeral de Xuventude, Participación e Voluntariado ou o servizo de xuventude correspondente contactarán, seguindo a orde da listaxe, coas persoas da lista de espera, mediante chamada telefónica ao número indicado na solicitude.

Realizaranse 3 chamadas entre as 9.00 e 14.00 h, que quedarán rexistradas para a súa constancia. De non contactar coa persoa interesada, esta será dada de baixa e chamarase á seguinte na listaxe de espera.

Unha vez recibida a comunicación e aceptada a praza ofrecida, deberán presentar a documentación sinalada no artigo 8 da orde reguladora nun prazo de 2 días hábiles.

No caso de non presentar a mencionada documentación no prazo indicado, a praza será ofertada á seguinte persoa da listaxe de espera.

A apertura da fase de reservas publicarase na páxina web de xuventude, <http://xuventude.xunta.es>.

## OBRIGAS DAS PERSOAS BENEFICIARIAS

As persoas beneficiarias das prazas están obrigadas a:

- Incorporarse á actividade e a regresar polos medios e nos prazos establecidos.
- Non abandonar a actividade sen o permiso da persoa responsable. En todo caso, o abandono da actividade antes da súa finalización requirirá a comparecencia das persoas proxenitoras ou titoras, e será responsabilidade destes/as o traslado para o regreso ao seu domicilio, así como os gastos que por tal causa se ocasionen.
- Respetar as normas establecidas polos equipos de animación, as normas de réxime interior das respectivas instalacións, as relativas ao cumprimento de medidas persoais de hixiene e prevención fronte á covid-19 establecidas no protocolo e, en xeral, as establecidas pola lexislación vixente na materia. Poderán ser expulsadas do campamento as persoas participantes que non respecten as citadas normas e cando o seu comportamento dificulte ou impida a convivencia.



## PREZOS

Os prezos de aplicación para cada actividade e quenda son os recollidos no **anexo I** (as liñas A e B) da orde reguladora, fixados de acordo co sinalado na Orde pola que se fixan os prezos privados correspondentes á prestación de servizos nas instalacións xuvenís e á expedición de carnés dirixidos á mocidade e xestionados pola Consellería de Política Social.

En todo caso, establécense unha serie de **descontos**, que en ningún caso son acumulables:

- **50%** para membros de **familia** que teñan o título de **numerosa**.
- **50%** para familias que teñan o certificado de **recoñecemento da condición de familia monoparental** expedido pola Consellería de Política Social.
- **25%** para as persoas usuarias do **Carné xove**. Para poder aplicar o desconto a persoa beneficiaria deberá ser titular do Carné xove e telo vixente no momento de efectuar o pagamento. A información para facer o Carné xove pode consultarse no seguinte enlace: <http://xuventude.xunta.es/carnes-para-a-mocidade/carne-xove>.

## DEVOLUCIÓN DE COTAS

Se unha vez obtida a praza por calquera dos procedementos de adxudicación e aboado o prezo correspondente, a persoa interesada non puidese asistir á actividade, só terá dereito á devolución deste nos casos e polas causas seguintes:

- renuncia á praza comunicada por escrito** sempre e cando solicite a devolución da cantidade aboada polo menos sete días hábiles antes do inicio da actividade. No caso de prazas adxudicadas en fase de reserva e cando non concorran ningunha das outras causas recollidas neste punto, só se admitirá a devolución cando a data de inicio do campamento permita presentar a solicitude coa sinalada antelación mínima de sete días hábiles;
- cando por causas non imputables á persoa interesada, **non se preste o servizo ou a Administración anule a actividade**;
- cando se produza o ingreso hospitalario ou outra causa médica grave**, que afecte ao/a menor e lle impida incorporarse ao campamento. Esta causa debe acreditarse con informes médicos e/ou do hospital no que estea ingresado o/a menor;
- cando o/a menor sexa diagnosticado de covid-19 ou presente síntomas asociados** coa enfermidade con anterioridade a entrar ao campamento;
- por falecemento ou enfermidade grave dun familiar ata 2º grao**. Esta causa debe estar acreditada con informes médicos e/ou do hospital onde estea ingresado o familiar, ou co certificado de defunción, de ser o caso.

Serán denegadas todas aquelas solicitudes de devolución de cota que non sexan presentadas coa antelación mínima de sete días hábiles anteriores ao inicio da actividade, cando non concorran ningunha das causas antes citadas.

Hai un modelo normalizado de solicitude de devolución de cota de participación (anexo VIII da orde), dispoñible no enderezo electrónico: <https://sede.xunta.gal/guia-de-procedementos-e-servizos>, ou na sede electrónica, no enderezo <https://sede.xunta.gal>.


As solicitudes de devolución de cota dirixiranse á Xefatura Territorial da Consellería de Política Social da provincia onde se localice a actividade obxecto da solicitude, para a súa resolución pola persoa titular da Xefatura Territorial.

## MÁIS INFORMACIÓN

- Na Dirección Xeral de Xuventude, Participación e Voluntariado, nos teléfonos **881 999 025 / 881 999 194 / 981 545 293**
- Nos servizos de xuventude e voluntariado das xefaturas territoriais da Consellería de Política Social.
- Nas oficinas locais de xuventude e no Centro Coordinador de Información e Documentación Xuvenil de Santiago de Compostela.
- Nas oficinas e puntos de información xuvenil da Rede galega de información e documentación xuvenil.
- Na páxina web <http://xuventude.xunta.es>.




## CAMPAMENTOS DE GALICIA



A CORUÑA	
1	Albergue Xuvenil Mariña Española (Sada)
2	Albergue Xuvenil Gandarío (Bergondo)
3	Campamento Xuvenil Furelos (Melide)
4	Campamento Xuvenil Virxe de Loreto (Porto do Son)
5	Campamento Xuvenil Espiñeira (Boiro)
6	Escola de Agricultura Ecolóxica Vilasantar (Vilasantar)
7	Granxa Zoo Grixalba (Sobrado dos Monxes)
8	Aldea do Couto (Ponteceso)
9	A.X. Aeródromo da Fervenza (Mazaricos)
10	CSHG (Santiago de Compostela)
11	Escola Oficial Náutico Pesqueira (Ferrol)
12	Albergue de Ecoturismo Alvarella (Vilarmaior)
LUGO	
13	Albergue Xuvenil Area (Viveiro)
14	Albergue Xuvenil Benigno Quiroga (Portomarín)
15	Campamento Xuvenil A Devesa (Ribadeo)
16	Campamento Xuvenil Os Chacotes (Palas de Rei)
17	Concello de Carballedo ou limitrofes
18	Albergue Municipal de Quiroga (Quiroga)
19	Lug2 (Lugo)

OURENSE	
20	Campamento Xuvenil Penedos de Xacinto (Entrimo)
21	Estación de montaña de Manzaneda (Manzaneda)
22	Albergue Equal (Coles)
23	Complexo O Corgo (Muíños)
24	Albergue Xuv. Vilariño de Conso (Vilariño de Conso)
25	Albergue San Xoán de Río (San Xoán de Río)
26	Residencia T.L. O Carballiño (O Carballiño)
PONTEVEDRA	
27	Albergue Xuvenil As Sinas (Vilanova de Arousa)
28	Campamento Xuvenil Pontemariil (Forcarei)
29	Campamento Xuvenil A Illa de Ons (Bueu)
30	Albergue Municipal Vicente Agulló (Lalín)
31	Colexio Cemar (Mondariz Balneario)
32	Granxa Escola El Kiriko (Fornelos de Montes)
33	Granxa Escola -Albergue Tomiño (Tomiño)
34	Residencia T.L. Panxón (Panxón)
35	Instituto Pol. Marítimo Pesqueiro do Atlántico (Vigo)

## PRAZAS RESERVADAS PARA INCLUSIÓN



A CORUÑA	
1	Albergue Xuvenil Mariña Española (Sada)
2	Albergue Xuvenil Gandarío (Bergondo)
3	Campamento Xuvenil Espiñeira (Boiro)
LUGO	
4	Campamento Xuvenil Os Chacotes (Palas de Rei)
PONTEVEDRA	
5	Campamento Xuvenil Pontemari (Forcarei)



# A CORUÑA

## ALBERGUE XUVENIL MARIÑA ESPAÑOLA (SADA)

### AVENTURA NAS MARIÑAS

**ACTIVIDADES XERAIS:** campamento de multiaventura no medio mariño con xogos, busca de tesouro, aula da natureza, actividades de praia, rutas ambientais, BTT.

CAMPAMENTO	DATAS	ANOS DE NACEMENTO	COTA	CÓDIGO
Aventura nas Mariñas	21-28/07	09-10-11	148 €	150001
	01-08/08	09-10-11	148 €	150002
	11-18/08	09-10-11	148 €	150003
	21-28/08	09-10-11	148 €	150004
	31/08 -7/09	09-10-11	148 €	150005

## ALBERGUE XUVENIL DE GANDARÍO (BERGONDO)

### ACTIVIDADES NO MAR

**ACTIVIDADES XERAIS:** campamento náutico-deportivo e de aventura.

CAMPAMENTO	DATAS	ANOS DE NACEMENTO	COTA	CÓDIGO
Actividades no mar	15-24/07	03-04-05	193,30 €	150006
	29-07-07/08	02-03-04-05	193,30 €	150007
	12-21/08	06-07-08	193,30 €	150008
	26/08-04/09	05-06-07-08	193,30 €	150009

### VÍDEO MAPPING. FAI VISIBLE O QUE LEVAS DENTRO

**ACTIVIDADES XERAIS:** achegamento á composición de vídeos para representacións nocturnas sobre edificios. Os participantes poderán coñecer os principios necesarios para crear animacións de vídeo e, mediante o emprego de ferramentas informáticas, serán quen de crear as súas propias composicións e compartilas cos seus compañeiros.

CAMPAMENTO	QUENDA	ANOS DE NACEMENTO	COTA	CÓDIGO
Vídeo Mapping. Fai visible o que levas dentro	30/08-06/09	06	148 €	150010

### A VISTA DE PAXARO. PRIMEIROS PASOS CON DRONS

**ACTIVIDADES XERAIS:** achegamento aos fundamentos que permiten a creación, control e voo dun dron. Os participantes terán a opción de construír o seu propio dron e de aprender os elementos básicos do seu funcionamento e, ao final do campamento, realizar unha xincana de competición coas súas creacións.

CAMPAMENTO	QUENDA	ANOS DE NACEMENTO	COTA	CÓDIGO
A vista de paxaro. Primeiros pasos con drons	30/08-06/09	06-07	148 €	150011

### ADESTRANDO O MEU ROBOT

**ACTIVIDADES XERAIS:** achegamento aos principios tecnolóxicos que son necesarios para construción, funcionamento e mellora no control de robots sinxelos, mediante o emprego de ferramentas informáticas e traballo en equipo, superando pequenas probas ou retos coa aplicación dos coñecementos aprendidos.


CAMPAMENTO	QUENDA	ANOS DE NACEMENTO	COTA	CÓDIGO
Adestrando o meu robot	30/08-06/09	06-07	148 €	150012

## CAMPAMENTO XUVENIL FURELOS (MELIDE)

### NATUREZA NO CAMIÑO

**ACTIVIDADES XERAIS:** campamento de multiaventura no medio natural con xincanas, bicicleta de montaña, orientación, sendeirismo, tiro con arco, aula de natureza, karaoke.

CAMPAMENTO	DATAS	ANOS DE NACEMENTO	COTA	CÓDIGO
Natureza no camiño	15-24/07	02-03-04	146,70 €	150013
	29/07-07/08	05-06	146,70 €	150014
	12-21/08	06-07	146,70 €	150015
	26/08-04/09	02-03-04	146,70 €	150016



## CAMPAMENTO XUVENIL VIRXE DE LORETO (PORTO DO SON)

### NATUREZA XUNTO AO MAR

**ACTIVIDADES XERAIS:** campamento náutico e de aventura.

CAMPAMENTO	DATAS	ANOS DE NACEMENTO	COTA	CÓDIGO
Natureza xunto ao mar	15-24/07	05-06	172,50 €	150017
	29/07-07/08	05-06	172,50 €	150018
	12-21/08	02-03-04-05	172,50 €	150019
	26/08-04/09	02-03-04-05	172,50 €	150020

## CAMPAMENTO XUVENIL ESPÍÑEIRA (BOIRO)

### CANDILEXAS

**ACTIVIDADES XERAIS:** campamento de temática teatral e de multiaventura.

CAMPAMENTO	DATAS	ANOS DE NACEMENTO	COTA	CÓDIGO
Candilexas	15-24/07	08-09	146,70 €	150021
	29/07-07/08	08-09	146,70 €	150022
	12-21/08	08-09	146,70 €	150023
	26/08-04/09	08-09	146,70 €	150024

## ESCOLA DE AGRICULTURA ECOLÓXICA VILASANTAR (VILASANTAR)

### SABOREA A VIDA DO RURAL

**ACTIVIDADES XERAIS:** actividades de aventura en contacto coa natureza e de achegamento ao o medio rural e o agro.

CAMPAMENTO	QUENDA	ANOS DE NACEMENTO	COTA	CÓDIGO
Saborea a vida do rural	27/07-02/08	08-09-10-11	129,50 €	150025
	10-16/08	08-09-10-11	129,50 €	150026

## GRANXA ZOO DE GRIXALBA (SOBRADO DOS MONXES)

### A ALDEA PERDIDA

**ACTIVIDADES XERAIS:** campamento de aventura para fomentar o coñecemento e o respecto polo medio natural e polos animais.

CAMPAMENTO	QUENDA	ANOS DE NACEMENTO	COTA	CÓDIGO
A aldea perdida	02-09/08	08-09-10-11	148 €	150027

## ALDEA DO COUTO (PONTECESO)

### UN PAÍS PARA PINTORES E POETAS

**ACTIVIDADES XERAIS:** campamento de temática artística (creación audiovisual, creación literaria e poética, teatro, música e cerámica, festival das artes).

CAMPAMENTO	QUENDA	ANOS DE NACEMENTO	COTA	CÓDIGO
Un país para pintores e poetas	03-12/08	06-07-08	185 €	150028

## ALBERGUE X. AERÓDROMO DA FERVENZA (MAZARICOS)

### MULTIAVENTURA E AERONÁUTICO

**ACTIVIDADES XERAIS:** actividades multiaventura na natureza e taller de aeronáutica.

CAMPAMENTO	QUENDA	ANOS DE NACEMENTO	COTA	CÓDIGO
Multiaventura e aeronáutico	30/08-06/09	02-03-04-05	148 €	150029



## CENTRO SUPERIOR DE HOSTELERÍA DE GALICIA (SANTIAGO DE COMPOSTELA)

### O SABOR DO VERÁN

**ACTIVIDADES XERAIS:** cociña e ambiente natural. Iniciación á cociña, técnicas de cociña, cociña creativa, cociña do mundo, repostería, xogos ecolóxicos, limpeza da natureza, ruta senderismo, obradoiro de reciclaxe, coñecemento da flora da contorna e aprendizaxe de recursos naturais e xogo cooperativo de concienciación medioambiental.

CAMPAMENTO	QUENDA	ANOS DE NACEMENTO	COTA	CÓDIGO
O sabor do verán	16-23/08	08-09-10	148 €	150030

## ESCOLA OFICIAL NÁUTICO PESQUEIRA (FERROL)

### VERÁN ACTIVO

**ACTIVIDADES XERAIS:** rutas naturais, visitas culturais, actividades deportivas, xogos acuáticos, obradoiros creativos, actividades no medio natural e de aventura.

CAMPAMENTO	QUENDA	ANOS DE NACEMENTO	COTA	CÓDIGO
Verán activo	01- 08/08	06-07-08	148 €	150031
	12-19/08	06-07-08	148 €	150032

## ALBERGUE DE ECOTURISMO ALVARELLA (VILARMAIOR)

### AVENTURA NAS FRAGAS

**ACTIVIDADES XERAIS:** xogo de orientación polo bosque de Alvarella, xogos de pistas, xogos tradicionais, rutas de sendeirismo e ruta interpretada ás Fragas do Eume.

CAMPAMENTO	QUENDA	ANOS DE NACEMENTO	COTA	CÓDIGO
Aventura nas Fragas	17-23/08	06-07-08	129,50 €	150033
	25-31/08	06-07-08	129,50 €	150034

## LUGO

### ALBERGUE XUVENIL AREA (VIVEIRO)

**NATURAREA: AMBIENTE MARIÑO E NÁUTICA**

**ACTIVIDADES XERAIS:** campamento náutico e deportivo.

CAMPAMENTO	DATAS	ANOS DE NACEMENTO	COTA	CÓDIGO
NaturArea: ambiente mariño e náutica	15-24/07	02-03-04-05	193,30 €	270001
	29/07-07/08	05-06	193,30 €	270002
	12-21/08	05-06	193,30 €	270003
	26/08-04/09	02-03-04-05	193,30 €	270004

### ALBERGUE XUVENIL BENIGNO QUIROGA (PORTOMARÍN)

**A MIÑA PRIMEIRA AVENTURA**

**ACTIVIDADES XERAIS:** campamento de multiaventura no medio natural con bicicleta, tiro con arco, xogos, slackline, actividades de auga.

CAMPAMENTO	DATAS	ANOS DE NACEMENTO	COTA	CÓDIGO
A miña primeira aventura	21-28/07	09-10-11	148 €	270005
	01-08/08	09-10-11	148 €	270006
	11-18/08	09-10-11	148 €	270007
	21-28/08	09-10-11	148 €	270008
	31/08-07/09	09-10-11	148 €	270009





## CAMPAMENTO XUVENIL A DEVESA (RIBADEO)

### MULTIAVENTURA: AMBIENTE E MAR

**ACTIVIDADES XERAIS:** campamento de multiaventura con actividades náuticas, de praia, escalada en rocódromo, tiro con arco, aula de natureza, xogos tradicionais.

CAMPAMENTO	DATAS	ANOS DE NACEMENTO	COTA	CÓDIGO
Multiaventura: ambiente e mar	15-24/07	06-07	146,70 €	270010
	29/07-07/08	06-07	146,70 €	270012
	26/08-04/09	06-07	146,70 €	270015

### ACAMPADA A CARÓN DO MAR

**ACTIVIDADES XERAIS:** campamento de multiaventura con actividades náuticas, de praia, escalada en rocódromo, tiro con arco, aula de natureza, xogos tradicionais.

CAMPAMENTO	DATAS	ANOS DE NACEMENTO	COTA	CÓDIGO
Acampada a carón do mar	15-24/07	08-09	146,70 €	270011
	29/07-07/08	08-09	146,70 €	270013
	26/08-04/09	08-09	146,70 €	270016

### ENDEVÉSATE CO MAR

**ACTIVIDADES XERAIS:** campamento de multiaventura con actividades náuticas, de praia, escalada en rocódromo, tiro con arco, aula de natureza, xogos tradicionais.

CAMPAMENTO	QUENDA	ANOS DE NACEMENTO	COTA	CÓDIGO
Endevésate co mar	12-21/08	07-08-09	146,70 €	270014



## CAMPAMENTO XUVENIL OS CHACOTES (PALAS DE REI)

### AVENTURA\_T

**ACTIVIDADES XERAIS:** campamento de multiaventura no medio natural con BTT, escalada en rocódromo, tiro con arco, slackline, actividades de auga.

CAMPAMENTO	QUENDA	ANOS DE NACEMENTO	COTA	CÓDIGO
Aventura_T	15-24/07	02-03-04-05	146,70 €	270017
	29/07-07/08	02-03-04-05	146,70 €	270018

### MULTIAVENTURA NOS CHACOTES

**ACTIVIDADES XERAIS:** campamento de multiaventura no medio natural con BTT, escalada en rocódromo, tiro con arco, slackline, actividades de auga.

CAMPAMENTO	QUENDA	ANOS DE NACEMENTO	COTA	CÓDIGO
Multiaventura nos Chacotes	12-21/08	06-07	146,70 €	270019
	26/08-04/09	06-07	146,70 €	270020

## CONCELLO DE CARBALLEDO OU LIMÍTROFES

### ADVENTURE CAMP

**ACTIVIDADES XERAIS:** campamento de multiaventura con actividades de auga, ambientais e actividades en inglés.

CAMPAMENTO	DATAS	ANOS DE NACEMENTO	COTA	CÓDIGO
Adventure Camp	21-28/07	05-06-07	148 €	270021
	01-08/08	05-06-07	148 €	270022
	11-18/08	05-06-07	148 €	270023
	21-28/08	08-09-10	148 €	270024

## ALBERGUE MUNICIPAL QUIROGA (QUIROGA)

### EXPLORA O COUREL

**ACTIVIDADES XERAIS:** campamento de multiaventura, con aula de natureza, tiro con arco, actividades de auga, olympic games, aula de natureza, entre outras.

CAMPAMENTO	QUENDA	ANOS DE NACEMENTO	COTA	CÓDIGO
Explora o Courel	17-24/07	09-10-11	148 €	270025
	27/07-03/08	09-10-11	148 €	270026

## LUG2 (LUGO)

### O MUSICAL

**ACTIVIDADES XERAIS:** campamento de temática artística, con masterclass: musicais, elaboración dun musical (guións, canto, teatro, montaxe de decorados), escalada, btt e piscina.

CAMPAMENTO	QUENDA	ANOS DE NACEMENTO	COTA	CÓDIGO
O Musical	21-28/07	05-06	148 €	270027
	31/08-07/09	05-06	148 €	270028

### AYCH TECNOLÓXICO

**ACTIVIDADES XERAIS:** campamento de temática tecnolóxica e de aventura, con Design thinking, 3D printing, prototipaxe, comunicación dixital, comunicación audiovisual, hackathon, robótica, escalada en rocha e rocódromo, tiro con arco, actividades de auga.

CAMPAMENTO	DATAS	ANOS DE NACEMENTO	COTA	CÓDIGO
AYCH Tecnolóxico	01-08/08	02-03-04-05	148 €	270029
	11-18/08	02-03-04-05	148 €	270030
	21-28/08	02-03-04-05	148 €	270031

## OURENSE

### ALBERGUE PENEDOS DE XACINTO (ENTRIMO)

#### TEATRO E AVENTURA NA NATUREZA

**ACTIVIDADES XERAIS:** campamento de temática teatral e de multiaventura.

CAMPAMENTO	DATAS	ANOS DE NACEMENTO	COTA	CÓDIGO
Teatro e aventura na natureza	15-24/07	07-08-09-10-11	146,70 €	320001
	29/07-07/08	07-08-09-10-11	146,70 €	320002
	12-21/08	07-08-09-10-11	146,70 €	320003
	26/08-04/09	07-08-09-10-11	146,70 €	320004

### ESTACIÓN DE MONTAÑA DE MANZANEDA (MANZANEDA)

#### MANZANEDA ALTA MONTAÑA

**ACTIVIDADES XERAIS:** campamento de multiaventura no entorno da estación de montaña de Manzaneda.

CAMPAMENTO	DATAS	ANOS DE NACEMENTO	COTA	CÓDIGO
Manzaneda Alta Montaña	02-09/08	08-09-10-11	148 €	320005
	09-16/08	08-09-10-11	148 €	320006
	16-23/08	05-06-07	148 €	320007
	23-30/08	05-06-07	148 €	320008
	30/08-06/09	05-06-07	148 €	320009

### ALBERGUE EQUAL (COLES)

#### DANZA MODERNA E NATUREZA

**ACTIVIDADES XERAIS:** campamento de danza e de multiaventura para fomentar as aptitudes artísticas e o respecto polo medio natural.

CAMPAMENTO	QUENDA	ANOS DE NACEMENTO	COTA	CÓDIGO
Danza moderna e natureza	21-28/07	09-10-11	148 €	320010
	01-08/08	09-10-11	148 €	320011

## COMPLEXO O CORGO (MUIÑOS)

### VEN EXPLORAR CON NÓS

**ACTIVIDADES XERAIS:** campamento de multiaventura con actividades de auga, dinámicas de expresión teatral e xogos.

CAMPAMENTO	QUENDA	ANOS DE NACEMENTO	COTA	CÓDIGO
Ven explorar con nós	01-08/08	05-06-07	148 €	320012

## ALBERGUE XUVENIL VILARIÑO DE CONSO (VILARIÑO DE CONSO)

### AVENTURA NA MONTAÑA

**ACTIVIDADES XERAIS:** campamento de multiaventura con actividades de auga, escalada, rutas senderismo, coñecemento do entorno e identificación de elementos naturais.

CAMPAMENTO	QUENDA	ANOS DE NACEMENTO	COTA	CÓDIGO
Aventura na montaña	17-26/07	08-09-10-11	185 €	320013

## ALBERGUE SAN XOÁN DE RÍO (SAN XOÁN DE RÍO)

### ASTRONOMÍA

**ACTIVIDADES XERAIS:** campamento en torno á astroloxía que inclúe a olimpíada interplanetaria e outras actividades de multiaventura con tiro con arco, aula natureza, piscina, orientación, roteiros.

CAMPAMENTO	QUENDA	ANOS DE NACEMENTO	COTA	CÓDIGO
Astronomía	16-23/07	09-10-11	148 €	320014
	26/07- 02/08	09-10-11	148 €	320015

# RESIDENCIA DE TEMPO LIBRE DE O CARBALLIÑO

## ARTE E TECNOLOXÍA

**ACTIVIDADES XERAIS:** artes plásticas, audiovisuais e escénicas e actividades deportivas.

CAMPAMENTO	QUENDA	ANOS DE NACEMENTO	COTA	CÓDIGO
Arte e tecnoloxía	19-26/07	09-10-11	148 €	320016
	28/07-04/08	09-10-11	148 €	320017



# PONTEVEDRA

## ALBERGUE XUVENIL AS SINAS (VILANOVA DE AROUSA)

### ACTIVIDADES NO MAR

**ACTIVIDADES XERAIS:** campamento náutico.

CAMPAMENTO	DATAS	ANOS DE NACEMENTO	COTA	CÓDIGO
O mar que imaxinas	15-24/07	05-06	193,30 €	360001
	29/07-07/08	05-06	193,30 €	360002
	12-21/08	02-03-04-05	193,30 €	360003
	26/08-04/09	02-03-04-05	193,30 €	360004

## CAMPAMENTO XUVENIL PONTEMARIL (FORCAREI)

### AVENTURA NA NATUREZA

**ACTIVIDADES XERAIS:** campamento de multiaventura con actividades de auga, bicicleta, rocódromo, aula de natureza, tiro con arco, sendeirismo.

CAMPAMENTO	DATAS	ANOS DE NACEMENTO	COTA	CÓDIGO
Aventura na natureza	15-24/07	06-07-08	146,70 €	360005
	29/07-07/08	06-07-08	146,70 €	360006
	12-21/08	06-07-08	146,70 €	360010
	26/08-04/09	06-07-08	146,70 €	360011

### PEQUECHO AVENTURA

**ACTIVIDADES XERAIS:** campamento de multiaventura con actividades de auga, bicicleta, rocódromo, aula de natureza, tiro con arco, sendeirismo.

CAMPAMENTO	DATAS	ANOS DE NACEMENTO	COTA	CÓDIGO
Pequecho aventura	21-28/07	09-10-11	117,36 €	360007
	31/07-7/09	09-10-11	117,36 €	360008
	10-17/08	09-10-11	117,36€	360009

## CAMPAMENTO XUVENIL A ILLA DE ONS (BUEU)

### ILLA MARABILLA

**ACTIVIDADES XERAIS:** campamento de multiaventura con actividades de auga e praia, tiro con arco, orientación con gps e xeocaptura, aula de natureza, divercencia.

CAMPAMENTO	DATAS	ANOS DE NACEMENTO	COTA	CÓDIGO
Illa Marabilla	21-28/07	06-07	117,36 €	360012
	01-08/08	08-09	117,36 €	360013
	11-18/08	08-09	117,36 €	360014
	21-28/08	08-09	117,36€	360015
	31/08-07/09	07-08	117,36 €	360016

## ALBERGUE MUNICIPAL VICENTE AGULLÓ (LALÍN)

### AVENTURA+

**ACTIVIDADES XERAIS:** campamento de multiaventura con técnicas circenses, xogos, zumba, tiro con arco, construcións de cabanas naturais.

CAMPAMENTO	QUENDA	ANOS DE NACEMENTO	COTA	CÓDIGO
Aventura+	14-23/08	08-09-10	185 €	360017

## COLEXIO CEMAR (MONDARIZ BALNEARIO)

### OUTDOOR SCHOOL

**ACTIVIDADES XERAIS:** campamento de multiaventura con actividades de auga, equitación, tiro con arco, escalada, golf, sendeirismo.

CAMPAMENTO	QUENDA	ANOS DE NACEMENTO	COTA	CÓDIGO
Outdoor School	19-26/07	06-07-08	148 €	360018



## GRANXA ESCOLA EL KIRICO (FORNELOS DE MONTES)

### KIRICO AVENTURA

**ACTIVIDADES XERAIS:** actividades na área de animais de granxa: coidados, alimentación dos animais, hábitos e costumes, etc., rocódromo, ruta de interpretación ambiental, tiro con arco, obradoiro de cociña.

CAMPAMENTO	QUENDA	ANOS DE NACEMENTO	COTA	CÓDIGO
Kirico aventura	19-25/07	06-07-08	129,50 €	360019

## GRANXA ESCOLA - ALBERGUE TOMIÑO

### AVENTURA NA GRANXA

**ACTIVIDADES XERAIS:** actividades relacionadas coas tarefas de granxa, xestión de residuos xerados, elaboración dos diferentes tipos de compostaxe, reciclaxe, tiro con arco, roteiros.

CAMPAMENTO	QUENDA	ANOS DE NACEMENTO	COTA	CÓDIGO
Aventura na granxa	09-15/08	08-09-10-11	129,50 €	360020
	16-22/08	04-05-06-07	129,50 €	360021

## RESIDENCIA DE TEMPO LIBRE DE PANXÓN (NIGRÁN)

### ZEROWASTE

**ACTIVIDADES XERAIS:** deportes náuticos, educación ambiental e TICs.

CAMPAMENTO	QUENDA	ANOS DE NACEMENTO	COTA	CÓDIGO
Zerowaste	06-13/08	04-05-06	148 €	360022
	15-22/08	04-05-06	148 €	360023

# INSTITUTO POLITÉCNICO MARÍTIMO PESQUEIRO DO ATLÁNTICO (VIGO)

## NAVEGANDO NA AVENTURA

**ACTIVIDADES XERAIS:** rutas naturais, visitas culturais, actividades deportivas, xogos acuáticos, obradoiros creativos, actividades no medio natural e de aventura.

CAMPAMENTO	QUENDA	ANOS DE NACEMENTO	COTA	CÓDIGO
Navegando na aventura	15-22/08	09-10-11	148 €	360024
	26/08-02/09	09-10-11	148 €	360025



## PRAZAS RESERVADAS PARA INCLUSIÓN

### ALBERGUE XUVENIL MARIÑA ESPAÑOLA (SADA)

CAMPAMENTO	QUENDA	ANOS DE NACEMENTO	COTA	CÓDIGO
Aventura nas Mariñas	01-08/08	09-10-11	148 €	150002

### ALBERGUE XUVENIL GANDARÍO (BERGONDO)

CAMPAMENTO	DATAS	ANOS DE NACEMENTO	COTA	CÓDIGO
Actividades no mar	15-24/07	03-04-05	193,30 €	150006
	29/07-07/08	02-03-04-05	193,30 €	150007
	12-21/08	06-07-08	193,30 €	150008
	26/08-04/09	05-06-07-08	193,30 €	150009

### CAMPAMENTO XUVENIL ESPÍÑEIRA (BOIRO)

CAMPAMENTO	QUENDA	ANOS DE NACEMENTO	COTA	CÓDIGO
Candilexas	29/07-07/08	08-09	146,70 €	150022

### CAMPAMENTO XUVENIL OS CHACOTES (PALAS DE REI)

CAMPAMENTO	QUENDA	ANOS DE NACEMENTO	COTA	CÓDIGO
Aventura_T	29/07-07/08	02-03-04-05	146,70 €	270018

## CAMPAMENTO XUVENIL AS SINAS (VILANOVA DE AROUSA)

CAMPAMENTO	DATAS	ANOS DE NACEMENTO	COTA	CÓDIGO
O mar que imaxinas	15-24/07	05-06	193,30 €	360001
	29/07-07/08	05-06	193,30 €	360002
	12-21/08	02-03-04-05	193,30 €	360003
	26/08-04/09	02-03-04-05	193,30 €	360004

## CAMPAMENTO XUVENIL PONTEMARIL (FORCAREI)

CAMPAMENTO	DATAS	ANOS DE NACEMENTO	COTA	CÓDIGO
Pequecho aventura	21-28/07	09-10-11	117,36 €	360007
O mar que imaxinas	15-24/07	06-07-08	146,70 €	360005
	29/07-07/08	06-07-08	146,70 €	360006
	12-21/08	06-07-08	146,70 €	360010

# O VERÁN QUE NECESITAS



**ACCIÓN DE VERÁN 2020**

**CAMPAMENTOS | CAMPOS DE VOLUNTARIADO**



Galicia  Xacobeo 2021